




坤輿典第八十卷

輿圖部彙考三十八

唐十二

按通典禹貢曰冀州既載壺口雷首至于太岳既修太原至于岳陽覃懷底績至于衡章厥土惟白壤恆衛既從大陸既作島夷皮服夾右碣石入于河舜以冀州南北闊大分衛水爲并州燕以北爲幽州並置牧周禮職方曰河內曰冀州山曰霍藪曰楊紆川曰漳浸曰汾潞其利松柏人五男三女畜宜牛羊穀宜黍稷其地險易帝王所都亂則冀安弱則冀強荒則冀豐故曰冀州其在天官昴畢則趙之分野箕則燕之分野兼得秦魏衛之交秦平天下置郡爲鉅鹿邯鄲漁陽右北平遼西河東京上黨太原代郡鴈門雲中及三川郡之北境漢武置十三州此爲冀州幽州并州後漢並因前代爲冀州幽州并州魏並因之晉置冀州幽州并州惠帝之後其地淪沒于劉元海石勒慕容儼又爲苻堅所陷堅敗慕容垂據之後屬後魏自此分割不可詳爲大唐分置十五部此爲河北道河東道兼分入都畿關內道

河內郡 東至汲郡二百六十里南至關西至河南府濟陰縣七十三里北至高平郡百四十里東南到滎陽郡一百五十里西南到河南府百四十里西北到河南府界百七十里東北到汲郡二百六十里去西京九百九十里去東京一百四十里戶五萬四千一百口三十一萬五千三百七十

懷州禹貢覃懷之地太行山在焉周爲畿內及衛邠雍三國春秋時又屬晉左傳襄王賜文公陽樊隰原攢茆之田晉於是始啟南陽又武王克商蘇忿生以溫爲司寇其田有隕懷是也戰國時爲魏衛二國之境秦始皇滅衛其君角徙居野王阻共山保之胡亥廢角爲庶人以其地屬三川郡項羽立司馬卬爲殷王王河內漢高帝初爲殷國尋更名河內郡後漢因之晉爲河內汲二郡地後魏置懷州兼置河內郡隋初郡廢而懷州如故煬帝初州廢復置河內郡大唐因之亦爲東畿內之郡領縣五

河內漢野王縣有沁水自河南府濟原界流入

修武本殷甯邑韓詩外傳曰武王伐紂勒兵

於寧故曰修武有古南陽城漢山陽縣故城在今縣西北有濁鹿地漢獻帝爲山陽公居於此

獲嘉漢武幸緱氏至汲縣之新中鄉得南越相呂嘉首因立獲嘉縣後周置修武郡隋置殷州是



也 武德周司寇蘇忿生之邑 哀魏置武德郡 漢射犬故城在今城北 又有漢平皐縣故城在

今縣西 武陟 漢懷縣地 故城在今縣西

汲郡 京至靈昌郡一百十里 南至靈昌郡酸棗縣七十五里 西至河內郡二百六里 北至鄴郡一百九十里 東南到靈昌郡二百三十里 西南到河內郡二百六十里 西北到高平郡陸山縣四十里 東北到鄴郡臨河縣百六十里 去西京一千七百九十里 去東京三百九十里 戶四萬六千九百八十口 二十萬七千九百八十

衛州殷之舊都 周既滅殷 以殷餘人封康叔爲衛君 居河淇之間 故商墟也 其後衛爲翟人所滅 齊桓更封衛于河南楚丘 而河內殷墟復屬於晉 戰國時屬衛 秦并天下 爲京郡三川二郡之地 二漢爲河內魏二郡地 魏置朝歌郡 晉改置汲郡 後魏亦爲汲郡 魏置義州 後周爲衛州 又分置脩武郡 隋初郡廢 煬帝初州廢 復爲汲河內二郡地 大唐爲汲郡 領縣五

汲 漢舊縣 牧野之地 卽紂都近郊三十里 卽是也

衛 漢朝歌縣 古殷朝歌城 在今縣西 紂都

有鹿臺 謂之殷墟 上宮臺 詩曰要我乎上宮 卽此也 今縣西北有黑山 蘇門山 孫登隱處 淇水出

共山東至今縣界入河謂之淇水口漢建安中曹公於水口下大枋木以成堰遏淇水東入自溝以通漕運故時人號其處爲枋頭晉大將軍桓溫爲慕容暉將慕容垂所敗於枋頭卽此也

新鄉縣西南三十二里有鄆城卽鄆國

共城古共伯國故城在縣東漢共縣

黎陽漢舊

縣魏置黎州及黎陽有白馬津卽酈生所云杜白馬之津是也後魏改爲黎陽津又有在人山古凡伯國在北有大坯山今名黎陽東山又名青檀山在縣南七里其張揖云成皐山是大坯山謬也

鄆郡 東至魏郡二百十里南至汲郡百九十里西至上黨郡三百里北至廣平郡百八十里東南到汲郡黎陽縣百六十里西南到高平郡三百二十里西北到上黨郡黎城縣三百里東北到廣平郡肥鄉縣百四十里去西京一千四百二十五里去東京五百六十里戶十萬九千四百五十口五十九萬一百九十六

相州殷王河亶甲居相卽其地也春秋時屬晉戰國時屬魏後屬趙秦兼天下爲邯鄲郡地漢爲魏郡後漢因之魏武王建都于此晉亦爲魏郡後趙石季龍前燕慕容儁並都之後魏道武置相州取

河亶甲居相之義東魏靜帝初遷都於此改置魏尹及置司州牧北齊又都焉改爲清都郡置尹後周置相州及魏郡隋初郡廢煬帝初州廢復置魏郡大唐爲相州或爲鄴郡領縣十一

安陽漢魏郡城在今縣東北有韓陵山卽高歡破爾朱兆之所又有丹藍嵯山堯城有丹朱

陵又有戲陽聚故城在今縣東左傳云晉荀盈卒于戲陽注內黃縣戲陽城洹水有洹水

滏陽有漳河滏水隋置慈州內黃漢舊縣有繁河漢繁陽縣故城在今縣西北鄴後漢

末冀州刺史嘗理於此有魏武帝文帝甄后等三陵臺東魏北齊皆都于此後周置相州後徙相

州於安陽山漳水在縣西晉史曰石勒諸將佐議欲都于鄴將攻三臺張賓進曰三臺險固攻守

未可卒下于是進據襄國林慮漢爲隆慮後漢避殤帝諱改爲林慮臨河有王莽河古

淇河及顯垣陵在焉湯陰古羗里城紂拘周文王之所漢湯陰縣成安漢斥丘縣故城

在東南地斥鹵故名焉臨漳

廣平郡東至清河郡臨清縣百二十里南至鄴郡百八十里西至上黨郡涉縣界二百五十里北

至鉅鹿郡南和縣五十里東南到魏郡魏縣界九十里西南到鄴郡滏陽縣界七十里西北到鉅鹿

郡沙河縣界六十里東北到清河郡宋城縣一百十里去西京一千五百八十里去東京七百六十里戶八萬九千二百九十口六十六萬二千八百一十

涿州禹貢覃懷底績至于衡章春秋時赤狄之地其後屬晉七國時趙所都秦并天下屬邯鄲郡漢初置廣平國武帝改爲平于國宣帝復爲廣平國後漢光武省廣平入鉅鹿郡後爲魏郡之西部魏改爲廣平郡晉因之後魏爲廣平郡後周置涿州隋煬帝初置武安郡大唐初劉黑闥都之尅平置涿州或爲廣平郡領縣十

永年漢曲梁縣也又漢廣平縣故城在今縣北隋以煬帝諱改永年 雞澤有沙河 曲周

漢舊縣故城在今縣西南紂巨橋倉亦在於此 清漳南近漳水 邯鄲戰國時趙國所都

自敬侯始都之有叢臺洪波臺亦漢舊縣邯山名鄲盡也漢趙王如意溫明殿在此焉 臨洛

漢易陽縣北齊置襄郡 武安漢舊縣有武安城趙奢與秦軍戰鼓譟武安屋瓦皆震卽此也

涿水有衡漳瀆或云禹貢曰覃懷底績至于衡漳卽此也 肥鄉漢列人縣故城在今縣東北

有漳水 平恩漢舊縣



鉅鹿郡 東至清河郡二百三十里南至廣平郡臨洛縣六十五里西至樂平郡縣二百四十里北至趙郡一百七十里京南到廣平郡曲周縣百十里西南到廣平郡武安縣百二十里西北到太原府樂平縣五十里京北到信都縣二百六十里去西京一千六百七十里去東京八百五十里戶六萬七千六百六十口四十六萬二千七百八十

邢州古祖乙遷于邢卽此地亦邢國也春秋時衛侯滅邢魯僖公時晉伐衛取邢其地遂屬晉七國時屬趙秦爲鉅鹿邯鄲二郡地項羽分趙立張耳爲常山王居信都更名信都曰襄國卽其地也漢屬鉅鹿常山二郡及趙廣平二國地後漢因之晉爲鉅鹿趙二國石勒都於此後魏爲鉅鹿郡隋置邢州煬帝初置襄國郡大唐爲邢州或爲鉅鹿郡領縣九

龍岡秦爲信都縣項羽改爲襄國漢至隋始改爲龍岡夷儀嶺在縣北百五十里左傳云邢遷于夷儀卽此 南和漢舊縣後周置南和縣 平鄉亦漢舊縣地或云秦置鉅鹿郡於此卽古

大鹿之野有沙丘之臺紂所築卽始皇崩處 鉅鹿漢南樂縣地漢鉅鹿縣今平鄉縣也

沙河漢襄國縣地隋置 任漢張縣地 內丘漢曰中丘隋以國諱改之 青山隋置



堯山

信都郡 京至平原郡二百十里南至清河郡百三十里西至趙郡百六十里北至河間郡二百三十里京南到博平郡三百里西南到鉅鹿郡三百六十里西北到饒陽郡百三十里京北到景城郡三百五十里去西京一千九百五十里去東京一千一百里戶十一萬一千八百八十口八十二萬六千七百七十

今之冀州冀堯二州之域春秋時晉地戰國時屬趙秦爲鉅鹿郡地漢高帝置爲信都國景帝改爲廣川國宣帝復爲信都國後漢明帝更名樂成國安帝更名安平國漢末兼置冀州晉亦然後魏爲長樂郡兼置冀州北齊後周皆因之隋初郡廢而冀州如故煬帝初州廢復置信都郡大唐爲冀州龍朔二年改爲魏州咸亨三年復舊或爲信都郡領縣九

信都漢舊縣禹導河北過泇水卽此亦曰枯降渠西南自南宮縣界入漢昌城縣故城在今縣北又有漢扶柳縣故城在今縣西 南宮漢舊縣漢呂后封張敖子偃爲南宮侯卽此泇水故瀆

南自清河郡經城縣界入 堂陽漢舊縣在堂水之陽 武強漢武隧縣 下博漢舊縣

棗強漢舊縣又有漢廣川縣故城在今縣東北

衡水有衡漳故瀆

阜城漢舊縣

武

邑漢舊縣澤水西南自衡水縣界而東北經縣城西北

趙郡 東至信都郡一百六十里南至鉅鹿郡一百七十九里西至太原府五百五十九里北至常山郡一百里東南到信都隔河相去百六十五里西北到常山郡百七十里西南到鉅鹿郡一百九十五里東北到博陵郡三百七十里去西京一千八百五十里去東京一千三百十里戶六萬一千一百六十三口三十七萬四千七百十二

趙州春秋時晉地戰國時屬趙秦爲邯鄲鉅鹿二郡地後漢屬常山國鉅鹿郡地兼置冀州晉爲趙國亦置冀州後魏爲趙郡明帝兼置殷州北齊改殷州爲趙州郡仍舊隋改置樂州煬帝改爲趙州尋復爲趙郡大唐爲趙州或爲趙郡領縣九

平棘漢南平棘縣故城在今縣南又有漢宋子縣故城在今縣北有槐水

元氏漢舊縣漢常

山郡故城在今縣西後漢光武征彭寵陰后生明帝於此

昭慶漢廣河縣後魏置殷州及高

南鉅鹿郡後改爲南趙郡隋爲大陸縣有大陸澤舊是象城天寶中改焉

樂城漢之關縣地

贊皇有贊皇山

高邑漢之鄆縣光武卽位更名高邑

柏鄉漢鄆縣地漢光武卽位壇在

此漢高樂縣故城在今縣東北

臨城漢舊縣也有洹水舊是房子天寶中改焉

寧晉舊

廩陶縣

常山郡 東至博陵郡一百二十四里南至趙郡一百里西至太原府五百十六里北至安邊郡四百九十里東南到博陵郡彭城縣百九十里西北到鴈門郡五百四十里西至太原府樂平縣三百二十里東北到博陵郡一百二十里去西京一千七百七十里去東京一千一百三十里戶五萬三千五百十口三十一萬七千七百十七

鎮州春秋時鮮虞國之地戰國時屬趙秦屬鉅鹿郡漢高帝置恆山郡後避文帝諱改曰常山郡亦屬眞定國後漢屬常山國晉復爲常山郡後魏因之後周置恆州領常山郡隋初廢煬帝初州廢復置常山郡大唐乾元年復爲恆州或爲常山郡天寶十五年改爲平山郡元和十五年改爲鎮州領縣九

眞定漢中山國之東恆邑亦漢舊縣漢新市縣故城在東北也

鹿泉井陘口在此今謂之土

門漢韓信破趙軍殺陳餘於此

井陘漢舊縣古井陘武德初置井州今縣城實中甚固

靈壽本中山國之都也漢舊縣故城在今西北衛水在今西山東北入滹沱河

棗城後周置

鉅鹿郡隋置廉州漢棗縣故城在今縣西故肥子國漢以爲縣亦在今縣西南

九門漢舊縣

石邑漢舊縣井陘山甚險李左車說陳餘曰井陘車不得方軌騎不得成列請守之不從故城在

今縣西北俗爲人文城有卑山今名抱犢山四面危絕山頂有二泉後魏葛榮亂百姓抱犢上山

因名焉

房山漢蒲吾縣後漢房山縣在西北俗名曰王母山上有西王母祠

行唐漢舊

縣游水所出

博陵郡 東至河間郡二百八里南至趙郡三百七十里西至常山郡百二十里北至安邊郡四百

九十里東南到堯陽郡一百七十里西南到常山郡一百二十里西北到常山郡行唐縣七十里東

北到文安郡二百五十里去西京二千二百里去東京一千二百里戶七萬六千六百口四十七萬

七千二百六

定州帝堯始封唐國之地戰國初爲中山國後爲魏所并後又屬趙秦爲上谷鉅鹿二郡之地漢高



帝置中山郡景帝改爲中山國後漢因之晉亦不改後燕慕容垂移都於此北岳常山在焉後魏爲中山郡兼置安州道武帝改爲定州後周置總管府領鮮虞郡隋初郡廢煬帝初置博陵郡後改爲高陽郡大唐爲定州或爲博陵郡領縣十一

安喜古中山鮮虞地漢盧奴縣有盧水水黑曰盧不流曰奴因名焉

北平秦曲逆縣漢爲蒲

陰縣蒲水所出在今縣西北

鼓城春秋鼓子國也漢臨平縣故城在東南又有漢下曲陽縣

在西

常陽漢上曲陽縣也常山在縣北一百四十里常水所出

新樂春秋時鮮虞國漢

新市縣地蓋帝堯始封之唐國也

豐義漢安國縣又有漢解瀆亭在今縣東北

望都漢

舊縣堯始封於此堯山在北堯母慶都山在南有中人亭左人亭卽今縣城也倒馬故關在縣西

北極險要也

無極漢舊縣

唐昌漢苦陘縣又有中山故城在縣東北有漢石曰河又西

北有故關邑城卽漢關縣

深澤漢南深澤縣

陘邑

河間郡

東至景城郡二百里南至信都郡二百三十里西至博陵郡二百八里北至文安郡一百

八里東南到景城郡弓高縣一百四十七里西南到饒陽郡百五十里東北到景城郡魯城縣二百

五十七里西北到上谷郡二百十里去西京二千二百里去東京一千三百四十里戶九萬五千二百四十口六十四萬二千五百六十三

瀛州春秋時屬晉七國時屬趙秦上谷郡之地漢屬涿郡後漢爲河間國晉因之後魏爲河間郡漢文帝分置瀛州隋初廢河間郡置瀛州煬帝初州廢復置河間郡大唐因之領縣六

河間漢州鄉縣後漢改武垣縣漢武帝得鉤弋夫人於此

博野漢博陵郡後徙安平又有漢

蠡吾縣故城在今縣西

東城漢舊縣後魏置東州

樂壽漢曰樂城縣故城在今縣西北

漢又曰中水縣居兩河之間故曰中水

高陽漢舊縣後置高陽郡有易水

平舒晉置章

武郡

文安郡

東至

闕

南至河間郡一百八里西至上谷郡露山百七十里北至范陽郡二百八十里東

南到景城郡二百六十里西南到博陵郡二百五十里西北到上谷郡一百八十里東北到北平郡八百里去西京二千三百十里去東京一千四百四十四里戶五萬五百十口三十二萬六千四百五十

莫州其地歷代所屬與瀛州同大唐景雲二年分瀛州置鄭州開元十三年改鄭爲莫其後或爲文安郡領縣六

鄭漢舊縣

清苑漢樂鄉縣漢高帝過趙封樂毅之後樂巨叔于此

任丘有狐狸淀

文安漢舊縣故城在東北

長豐

唐興

饒陽郡 東至景城郡三百十五里南至魏郡五百里西至常山郡一百八十里北至上谷郡三百里東南到信都郡一百三十里西南到趙郡一百九十里西北到博陵郡一百七十里東北到河間郡一百五十里去西京二百五十里去東京一千二百五十里戶四萬八千八百五十八口三十四萬六千四百七十一

深州戰國時屬趙秦爲上谷鉅鹿二郡地漢爲涿郡地後漢屬安平國桓帝以後爲博陵郡晉爲博陵國後魏爲博陵郡北齊亦同隋初廢郡置深州煬帝初州廢以其地分入博陵河間二郡大唐復置深州或爲饒陽郡領縣四

饒陽漢舊縣有燕蓼亭在此又有古博陵城饒陽城滹沱河舊在縣南卽光武所渡魏武王因饒

河故瀆決令北注新溝所以今在縣北

安平漢貫縣

鹿城漢舊縣故城在西南又有漢

隍城在東衡漳水今名衡水亦名苦水西南自趙郡寧晉縣界流入

陸澤禹貢大陸澤亦在

此

上谷郡

東至范陽郡二百十四里南至文安郡一百八十里西至安邊郡飛狐縣一百四十里北

至嬀川郡懷戎縣南界廢固城鎮東南到文安郡一百八十里西南到博陵郡北平縣一百四十里

西北到安邊郡二百二十里東北到范陽郡良鄉縣界八十里去西京二千一百九十七里去東京

一千四百六十二里戶四萬四千九百一十二口二十四萬五千八百七

易州春秋至戰國屬燕秦置上谷郡漢屬涿郡後漢因之晉爲范陽國後魏亦爲上谷郡隋初置昌

黎郡後兼置易州煬帝初州廢置上谷郡大唐因之領縣八

易漢故安縣故城在今縣南有涑易二水有燕臺昭王求仙處又有漢范陽縣故城在縣東南

遂州古遂武也秦築長城之所起

涑水漢之遼縣

容城漢舊縣

滿城

五迴

樓亭

坂城



范陽郡 東至漁陽郡一百十里南至文安郡二百八十里西至上谷郡一百十四里北至嬀川郡二百一十里東南到關西南到關西北到關東北到歸化郡八十里去西京二千五百二十三里去東京一千六百八十里戶七萬九百六十三萬五千五百八十五

幽州古之幽州蓋舜分冀州爲之置十二牧則其一也言北方太陰故以幽冥爲號昔顓頊都於帝丘其地北至幽陵卽此殷復省幽州入冀州周禮職方曰東北曰幽州其山曰醫無閭藪曰獫狁川曰河涕濞曰菑時其利漁鹽民一男三女畜宜四擾穀宜三種初武王定殷封召公奭於燕及秦滅燕以其地爲漁陽上谷右北平遼西遼東五郡漢高帝分上谷郡置涿郡武帝置十三州此爲幽州其後開京邊置元菟樂浪等郡亦皆屬焉後改燕國曰廣陽郡後漢置幽州並因前代晉亦置幽州晉亂陷于石勒慕容儁苻堅後入于魏其後分割不可詳也今之幽州古涿鹿也卽燕國之都謂之渤海之間亦一都會也秦爲上谷之地漢高帝分置燕國後又分燕置涿郡及廣陽國有獨鹿鳴澤後漢爲涿廣陽二郡地魏更名范陽郡晉爲燕范陽二國兼置幽州慕容儁常都之後魏置幽州北齊置東北道行臺後周置燕范陽二郡隋初並廢煬帝初并置涿郡大唐爲幽州或爲范陽郡領縣